

ხელშეკრულება N7

სახელმწიფო შესყიდვის შესახებ

ქ. ბათუმი

18 მარტი 2021 წელი

ერთის მხრივ, შპს „აჭარის ნარჩენების მართვის კომპანია“ (შემდგომში „შემსყიდველი“), წარმოდგენილი დირექტორის ნოდარი კონცელიძის სახით და მეორეს მხრივ სს „ფი ქეი ეფ კაიზენი“ (ს/კ 205198212) (შემდგომში „მიმწოდებელი“), წარმოდგენილი დირექტორის დავით გვეტაძის სახით, „სახელმწიფო შესყიდვის შესახებ“ საქართველოს კანონის და სს „ფი ქეი ეფ კაიზენი“ სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადების ნომერი (NAT210003143) , კლასიფიკატორის (CPV 79200000) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი;
- 1.7. „ფასების ცხრილი“ - შესასყიდი მომსახურებების ღირებულებები, რომელიც დაერთვება წინამდებარე ხელშეკრულებას, როგორც მისი განუყოფელი ნაწილი.
- 1.8. „ტექნიკური დავალება“ - მიმწოდებლის მიერ ელექტრონული ტენდერის ფარგლებში წარმოდგენილი „დანართი №1“, - რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. ხელშეკრულების საგანი

- 2.1. ხელშეკრულების საგანს წარმოადგენს შპს „აჭარის ნარჩენების მართვის კომპანიის“ მიერ 2020 წელს გაწეული სამეურნეო-საფინანსო საქმიანობის აუდიტორული შეფასების მომსახურება.
- 2.2 ხელშეკრულებით გათვალისწინებული მომსახურება და აღწერა მოცემულია სატენდერო დოკუმენტაციის დანართი 1- ტექნიკურ დავალება. საბალანსო ფორმა - დანართი 2, დანართი 3 - ხარჯთაღრიცხვა (განფასება) შესაბამისად, რომელიც თან ერთვის ხელშეკრულებას, როგორც მისი განუყოფელი ნაწილი.
- 2.3 კლასიფიკატორი კოდი : CPV -79200000;

3. ხელშეკრულების მოქმედების ვადები

- 3.1. ხელშეკრულება ძალაში შედის მისი ხელმოწერის მომენტიდან და მოქმედებს 2021 წლის 30 ივნისის ჩათვლით.

4. ხელშეკრულების ჯამური ღირებულება

- 4.1 ხელშეკრულების ჯამური ღირებულება შეადგენს 17700 (ჩვიდმეტი ათას შვიდასი) ლარს დღგ-ს გათვალისწინებით.
- 4.2 ხელშეკრულების ჯამური ღირებულება შეიცავს შემსრულებლის მიერ საქართველოს მოქმედი კანონმდებლობით გათვალისწინებულ ყველა გადასახადს.

5. მომსახურების მოწოდების ადგილი და წესი

- 5.1. ხელშეკრულებით გათვალისწინებული ვალდებულების შესრულების ადგილი მდებარეობს მისამართზე: ქ. ბათუმი, კ.გამსახურდიას ქ. 1, ბ. 4-7, შპს „აჭარის ნარჩენების მართვის კომპანია“.
- 5.2 მომსახურების მიწოდების ვადად განისაზღვროს ხელშეკრულების გაფორმებიდან 60 (სამოცი) კალენდარული დღე (2021 წლის 17 მაისის ჩათვლით).

6. მხარეთა ვალდებულებები:

- 6.1. მიმწოდებელი ვალდებულია მოაწოდოს შემსყიდველს ამ ხელშეკრულების 2.1. და 2.2 პუნქტში მითითებული უნაკლო მომსახურება.
- 6.2. თუკი ხელშეკრულების 2.1 და 2.2 პუნქტით გათვალისწინებული მომსახურება არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი.
- 6.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 6.4. შემსყიდველი ვალდებულია მომწოდებლის მხრიდან მომსახურების მოწოდების შემდეგ გადაიხადოს მისი ფასი ამ ხელშეკრულებით გათვალისწინებული პირობებით;
- 6.5. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

7. ანგარიშსწორების ფორმა და წესი

- 7.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 7.2. წინასწარი ანგარიშსწორება არ გამოიყენება;
- 7.3. მიმწოდებელთან ანგარიშსწორება განხორციელდება ერთჯერადად, მიმწოდებლის მიერ აუდიტორული შეფასების განხორციელების და ხელშეკრულების მე-9 პუნქტით გათვალისწინებული დოკუმენტაციის წარმოდგენიდან 10 (ათი) სამუშაო დღის ვადაში.

8. ხელშეკრულების ინსპექტირება

- 8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.
- 8.2. ამ მუხლის პირველი პუნქტით გათვალისწინებულ კონტროლსა და ზედამხედველობას განხორციელებს „შემსყიდველის“ მხრიდან ორგანიზაციის ხელმძღვანელის მიერ განსაზღვრული პირ(ებ)ი - კომპანიის მთავარი ბუღალტერი თამარ ჩხიკვაძე და შესყიდვების მენეჯერი ლალი ცოცხალაშვილი;
- 8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. შესყიდვის საგნის მიღება-ჩაბარების წესი

- 9.1. გაწეული მომსახურება ჩაითვლება მიღებულად მხარეების მიერ შესაბამისი მიღება-ჩაბარების აქტის ხელმოწერის შემდეგ;
- 9.2. ხელშეკრულებით გათვალისწინებული მომსახურება ან მისი ნაწილი ჩაითვლება მიღებულად, მას შემდეგ რაც მიმწოდებლის მიერ წარმოდგენილი იქნება შესაბამისი საგადასახადო დოკუმენტაცია და შემსყიდველის მხრიდან არ არის გამოვლენილი ხარვეზი .
- 9.3. შემსყიდველის მხრიდან მომსახურების მიღება-ჩაბარებაზე უფლებამოსილი წარმომადგენელია -შპს „აჭარის ნარჩენების მართვის კომპანია“-ს მთავარი ბუღალტერი თამარ ჩხიკვაძე.

10. ხელშეკრულების შეწყვეტა

- 10.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება მომსახურების ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.
- 10.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:
- ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;
- ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
- გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების შესრულებას;
- დ) მიმწოდებლის მიმართ დაიწყო გაკოტრების საქმის წარმოება;
- ე) საქართველოს კანონმდებლობით გათვალისწინებულ სხვა შემთხვევებში.

11. მხარეთა პასუხისმგებლობა

- 11.1. ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა თითოეულ ვადაგადაცილებულ დღეზე 0,5 % ოდენობით
- 11.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 11.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

12. ფორს-მაჟორი

- 12.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.
- 12.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).
- 12.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს

მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებებისაგან.

13. ხელშეკრულებაში ცვლილებების შეტანის და შეწყვეტის წესი

13.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

13.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

13.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

13.5. ხელშეკრულების 13.4 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 სამუშაო დღით ადრე წერილობით აცნობოს ამის შესახებ მეორე მხარეს.

14. დავების გადაჭრის წესი

14.1. ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15. სხვა პირობები

15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად;

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება;

15.4. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულებულ ქართულ ენაზე;

15.5. უცხოურენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტი ენიჭება ქართულ ენაზე შესრულებულ თარგმანს;

15.6. ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მხარეებთან.

16 მხარეთა რეკვიზიტები:

შემსყიდველი:

შპს “აჭარის ნარჩენების მართვის კომპანია”
ქ. ბათუმი, კ.გამსახურდიას ქ. 1, ბ. 4-7
საიდ. კოდი 245 626 684
ს/ს ტერა ბანკი
ბანკის კოდი TEBAGE22
ა/ა GE98KS0000000340800017
დირექტორი ნოდარ კონცელიძე

მიმწოდებელი:

სს „ფი ქეი ეფ კაიზენი“
ს/კ 205198212
ბანკი: თიბისი ბანკი
ბანკის კოდი TBCBGE22
ა/ნ GE24TB7432736060100004
დირექტორი დავით გვეტაძე

ტექნიკური დავალება

1. შპს „აჭარის ნარჩენების მართვის კომპანია“-ს (ს/კ 245626684) მიერ 2020 წელს გაწეული სამეურნეო-საფინანსო საქმიანობის აუდიტორული შეფასება:

(i) აღწეროს შპს „აჭარის ნარჩენების მართვის კომპანია“-ს ანგარიშები 2020 წლის 31 დეკემბრის მდგომარეობით, ანგარიშგების საერთაშორისო სტანდარტების (მსს ფასს) შესაბამისად, რაც მოიცავს იმ მონაცემთა სრულ ჩამონათვალს, რომლითაც EBRD-ს შეუძლია განახორციელოს თავისი სესხების შეფასება;

(ii) შპს „აჭარის ნარჩენების მართვის კომპანია“-ს ფინანსური ანგარიშგების აუდიტი ზემოთ მოცემული წლის მდგომარეობით.

2. სამუშაოთა მოცულობა

2.1 . შპს „აჭარის ნარჩენების მართვის კომპანია“-ს მიერ 2020 წელს გაწეული სამეურნეო-საფინანსო საქმიანობის აუდიტორული შეფასება მოიცავს:

- საწარმოს ბალანსის აუდიტი;
- მოგება-ზარალის უწყისის აუდიტი;
- ფულადი ნაკადების მოძრაობის აუდიტი;
- საწარმოს კაპიტალში ცვლილებების ანგარიშგების აუდიტი;
- ძირითადი საშუალებების ინვენტარიზაცია და მასთან დაკავშირებული ოპერაციების აუდიტი;
- ბიუჯეტთან ანგარიშსწორების აუდიტი;
- გადასახადებისა და მოსაკრებლების დარიცხვის სისწორისა და დროულად გადახდის, გადასახადების აღრიცხვისა და დეკლარირების სისწორის და შესაბამისობის დადგენა საგადასახადო კანონმდებლობასთან მიმართებაში;

- სასაქონლო-მატერიალურ ფასეულობათა აუდიტი
- არსებული მოთხოვნებისა და ვალდებულებების მოკვლევა, ინვენტარიზაცია, სამეწარმეო და არასამეწარმეო სუბიექტების მიხედვით ცალ-ცალკე;

- აჭარის ა/რ ფინანსთა ეკონომიკის სამინისტროს 2021 წლის 29 იანვრის № 01-01-10/249 წერილით და აჭარის ა/რ ფინანსთა ეკონომიკის მინისტრის 2018 წლის 6 თებერვლის N01-01-3/55 ბრძანებით დამტკიცებული დანართების მომზადება და დამოწმება აუდიტორის მიერ (დანართი №2 – EXCEL-ის ფაილი);

- 2020 წელს ელექტრონული შესყიდვის საშუალებების და გამარტივებული შესყიდვის გზით განხორციელებული შესყიდვების აუდიტი და სახელმწიფო შესყიდვების მარეგულირებელ კანონმდებლობასთან შესაბამისობის დადგენა.

- უარყოფითი დასკვნის შემთხვევაში, პრეტენდენტმა უნდა უზრუნველყოს შემსყიდველისათვის 2020 წლის ფინანსური ანგარიშგების გასწორება 2021 წლის 1 იანვრისათვის არსებული საწყისი ნაშთების გათვალისწინებით.

- პრეტენდენტი ვალდებულია შემოწმების ობიექტის წარმომადგენლობაზე უფლებამოსილ პირ(ებ)ს აუდიტის წარმოების პროცესში მისცეს რეკომენდაციები და გაასწორებინოს ფინანსური ანგარიშგები, ხოლო დასრულებისთანავე გააცნოს და ჩააბაროს აუდიტორული დასკვნა.

2.2. 2021 წლის განმავლობაში შპს „აჭარის ნარჩენების მართვის კომპანია“ -ს საწესდებო კაპიტალში მოსალოდნელი წინასწარ დაუგეგმავი ცვლილებების თაობაზე დამდგარი აუცილებლობიდან გამომდინარე შესაბამისი აუდიტორული დასკვნების მომზადება.

2.3. ქობულეთში სოფ. ცეცხლაურში ნაგავსაყრელი პოლიგონის მშენებელი კომპანიის შპს "გოქმინ ინშაათ გიდა ტურიზმ ბილიშიმ ტუქეთიმ მაღლარი ფაზარლამა მადენჯილიქ ვე ფროჟე მუშავირლიქ ჰიზმეთლერი სანაი თიჯარეთ"-ის საქართველოს ფილიალთან გაფორმებული ხელშეკრულების შესწავლა და წარმოდგენილი დოკუმენტაციის საფუძველზე ფინანსური ოპერაციების აღრიცხვის შემოწმება. საჭიროების შემთხვევაში შესაბამისი რეკომენდაციების გაცემა.

2.4. განმარტებები

EBRD-ის მოთხოვნების შესაბამისად, კონსულტანტი წარმოადგენს განმარტებებს მის მიერ მოწოდებულ ანგარიშგებთან დაკავშირებით.

განხორციელების ღონისძიებები და მომსახურების მოწოდება

დავალების საერთო ხანგრძლივობა შეადგენს 60 დღეს.

ანგარიშგების მოწოდება უნდა მოხდეს როგორც ქართულ, ისე ინგლისურ ენაზე

N	შესყიდვის საგანი	საერთო ღირებულება	მომსახურების გაწევის ვადა	მიწოდების ადგილი
1	შპს „აჭარის ნარჩენების მართვის კომპანია“-ს მიერ 2020 წელს გაწეული სამეურნეო-საფინანსო საქმიანობის შეფასება/მომსახურება	17 700	ხელშეკრულების გაფორმებიდან 60 კალენდარული დღე აუდიტორული	ქ. ბათუმი, კ.გამსახურდიას ქ. 1 ბ.1-4
	ჯ ა მ ი	17 700 (ჩვიდმეტი ათას შვიდასი) ლარი		

სს „ფი ქეი ეფ კაიზენი“

ს/კ 205198212